



**GET MORE IN
SAN NICOLAS**
**12 8PC. CHICKEN
TENDERS**
Afl. **10.75**



Valid only in San Nicolas - Limited Time Offer.

Formador contento cu Dialogo Social ta conta cu apoyo di gremio y sindicatonan

ORANJESTAD(AAN): E reunionnan di Formador Mike Eman cu e diferente instancianan a sigui e siman unda p.e. a topa cu varios sindicato. Den e reunionnan aki ta papia cu e sindicatonan riba e conseho di Gobernador di puntonan cu mester tene cuenta cune den e proximo gobernacion.

Eman mes ta considera e tipo di reunionnan aki hopi importante, ya cu den e calidad di Formador ta haya oportunidad pa intercambia di pensamiento cu tur gremio y sindicatonan. Esaki ta chensnan, segun Eman, cu hopi biaha den Dialogonan Social no ta logra ya cu ta trata temanan mas general, cu ta toca desaroyo social economico di pais Aruba.

Como Formador, el a splica, ta papia riba e problema y retonan mas specifico di cada sindicato y nan miembronan ta bini padilanti. E ta importante tambe pasobra mayoria biaha e Forma-



dor ta esun cu ta bira Minister President y asina e ta recoge e pensamiento y deseonan di casi tur e instancianan di Aruba, esta di kico ta nan necesidad y prioridadnan.

Cada un di e sindicatonan tin un lista grandi di tema cu pa nan ta importante y banda di esey nan a duna nan contribucion riba un panorama mas am-

plia cu ta e bienestar general di Aruba. Por ehempel a papia di e crecimiento economico di Aruba, di e di tres pilar economico di Aruba, AOV, cada un a duna nan idea y posicion cu nan tin pa e temanan aki.

Formador ta hiba tur e informacionnan aki den e raportahe di formacion y e lo bira parti tambe informacion cu Gobierno nobo mester uza pa nan plan di

governacion. E intencion ta cu den e prome Dialogo Social asina cu e Gobierno sinta, ta bay back cu e datonan aki, riba e temanan general, riba e oportunidadnan cu Aruba tin pero tambe e retonan y con cada un mester haya atencion den e añanan cu ta bini. Formador Mike Eman a splica cu ta sinti un boluntad hopi grandi di tur e gremionan pa participa den e cumbrenan cu ta sigui despues. Tur esnan cu a topa cu formador kier sigui cu e Dialogo Social.

A base di dialogo social a logra hopi cos, manera pensioen general, reduccion di prijs di awa y coriente, a rescate fondo di AOV y APF, y haci cambianan importante den AZV y incentivanan pa importacion di tur cos cu tin di haber cu energia berde. Pero tambe indexering cu a worde recupera, cualnan tur ta temanan importante cu a worde regla den Dialogo Social e ultimo tres añanan. E plataforma aki, Eman a bisa, ta uno masha importante.

“No ta pornada e Gobierno aki a worde re-eligi cu diestres (13) asiento, a-bay dilanti cu 7 mil voto, cu ta algo hamas visto den historia di Aruba, esta cu un partido politico ta goberna cuatro aña y no solamente ta keda den Gobierno pero ta bay dilanti cu 7 mil voto cu ta un resultado record. E tin hopi di haber cu e forma di atende cu temanan importante, di duna atencion na pueblo den Dialogo Social, Community Hall Meetings, reunionnan individual cu ciudadanonan riba diasabra. Pero principalmente percursa cu e recursonan di pais Aruba no caba pa famia y amigonan probecha, pero percursa pa cada bario y school worde drecha... E cambio aki tabata fundamental. Y den esaki e gremio y sindicatonan cu a participa durante e cuatro añanan tabatin un rol importante. Nos ta sinti cu nan tin e compromiso pa sigui traha di e forma aki den e proximo cuatro añanan.”